





詩總聞卷第三

鄘風

柏舟

一章

汎彼柏舟在彼中河

柏舟在中河欲濟河也當是送女歸人之舟母欲
女歸人而女願事母不欲去家其母不以為然故
極道其貞心以死自誓以天為辭母猶天也何不諒
人而以人為欺天烏有是理也

髮彼兩髦寔維我儀之死矢靡他母也天只不諒人



兩髦未合髻也此我終身之象也誠非常情其母未信者以常情度其女也所以懇之于天也

二章

汎彼栢舟在彼河側髧彼兩髦寔維我特之死矢靡慝母也天只不諒人只

聞音曰儀牛何切孔氏古韻不甚要切引此詩汎彼栢舟在彼中河髧彼兩髦寔維我儀是未考易鼎革失其義也覆公餗不可如何也鄭氏儀作義二字古皆音俄湯何切天鐵目切側莊力切天今

它年切詩二十三無叶他年白虎通論天身也天鎖也禮統天神也陳也珍也漢儒之學多以声取義此五義皆與鐵目相近與它年無干也

總聞曰世固有賦女身而無婦心者此所謂維我特不與類同也此等必入山林謝世故凡古今所立之常制皆不可以拘也女終身不嫁如男終身不娶此其立志不允也

墻有茨

一章

墻有茨不可掃也

茨蒺藜也可以杜隔踰越此必有内外交亂而難
言者所以勿掃勿襄勿束言交亂之人其意欲除
除之正中其計也

中藁之言不可道也所可道也言之醜也

二章

牆有茨不可襄也中藁之言不可詳也所可詳也言
之長也

三章

牆有茨不可束也中藁之言不可讀也所可讀也言
之辱也

聞音曰掃藪后切道徒厚切

總聞曰藁數名十種為藁蓋其事不可勝數故難盡
言也左氏昭伯之事尋詩皆無見但惠公叙卑而年
少宣公母行昭伯兄行雖宣淫誰敢阻者似不必以
牆為道也

君子偕老

一章

君子偕老副笄六珈委委佗佗如山如河象服是宜
子之不淑云如之何

二章

玼兮玼兮其之翟也鬢髮如雲不屑鬢也玉之瑱也象之瑳也揚且之哲也胡然而天也胡然而帝也

三章

嗟兮嗟兮其之展也蒙彼縵絺是泄祥也子之清揚揚且之顏也展如之人兮邦之媛也

聞音曰玼居何切佗待何切宜牛何切翟其礼切鬢徒帝切掃敕帝切哲征例切展諸延切袞汾乾切顏魚堅切媛于權切

聞字曰展展衣也次言展如之人言展衣乃似此人也下語如連花似六郎

總聞曰此詩雖句讀不倫頗似有軼或悞大率一章先言服次言德不能象服二章三章先言服次言容能象服初言不泐太峻也次言胡然何為如天如帝言其尊奚由如此頗婉也次言展如不已能象已為美過婉也詩人措辭多如此所以為忠厚也

桑中

一章

爰采唐矣沫之鄉矣

桑中在五句而以為首題以所期之地為至桑中在常山沫在朝歌上宮未見或是宮室之名

云誰之思彼孟姜矣期我乎桑中要我乎上宮送我乎淇之上矣

二章

爰采麥矣沫之北矣云誰之思美孟弋矣期我乎桑中要我乎上宮送我乎淇之上矣

三章

爰采葑矣沫之東矣云誰之思彼孟庸矣期我乎桑中要我乎上宮送我乎淇之上矣

聞音曰中諸良切易林采唐沫鄉要我桑中正用此詩宋氏古詩不以字害句故音韻清簡隨時改

易并在東薪入張音直取順意而已若尔何所不可不考類

氏中有章音又關中呼舅為鍾鍾者章之轉也糾繆漢注皆云釋名兄忪章舅忪曰舅章中張國自相叶何為順意也宮居王切上辰子切麥訖力切

聞人曰申叔跪謂巫臣曰夫子有三軍之懼而又有桑中之喜宜將窈妻以逃也謂適鄭欲納夏姬而適它國故畫室楚也曰說因而有相窈蓋巫臣畫室其行必不令楚知故曰窈也今詩縱是淫奔

非妻即妾非妾即妻亦無妻妾相竊之理蓋巫臣之行有其妻則夏姬當為妾也作序似在左氏之後其說皆附合左氏為之而不省不其倫也

總聞曰姜氏弋氏庸氏皆當時著姓當是國君微行以采茹為解約諸女之中意者期諸某所要之某所雖為勢力所逼而親黨為榮故送者無它辭

鶉之奔奔

一章

鶉之奔奔鶉之疆疆

鶉今鶴鶉今鷓鴣方春求接之時當是國君以此

人而尊諸嬪御之上故有不平之辭
人之無良我以為兄

二章

鶉之疆疆鶉之奔奔人之無良我以為君

兄長也君主也無良而我以長以主事之不堪之

辭

聞音曰疆居良切兄虛玉切

總聞曰此是女御之慎辭恐是桑中所然者申叔跪所謂屈巫有三軍之懼而又有桑中之喜謂與夏姬謀合也斯人主內政宜人情之不服也

定之方中

一章

定之方中作于楚宮揆之以日作于楚室樹之榛栗
椅桐梓漆爰伐琴瑟

定營室也方中為小雪候正農隙之時古人舉事
常儲後利不責近効此六木維良而難長蘓氏所
謂栽種成陰十年後倉皇求買萬金無六木不獨
中琴瑟但以琴瑟為先

二章

升彼虛矣以望楚矣望楚與堂景山與京降觀于桑

卜云其吉終焉允臧

徙居楚丘故皆以楚為辭

三章

靈雨既零命彼倌人星言夙駕說于桑田

植桑貴土潤地蘓上下者卜雨也此靈雨者應允
臧也所以適田觀植桑也
匪直也人秉心塞淵駉牝三千

舊說秉心塞淵然後能駉牝三千又引思無邪然
後能斯馬斯徂尋詩文勢自可見言衛文匪直如
此之人也秉心如此治國如此人初以衛文覆亡

之餘不無相輕之心至是始知非凡也它禮引禮能盡其性則能盡人之性盡物之性理則甚深而無與於此詩也

聞音曰虛丘呂切京居良切田地因切淵一均切千倉新切

聞跡曰堂京桑虛景山皆地名桑堂父在常山在澶州京在河南虛杜氏在宋未詳其都楚丘在澶州衛南縣

聞物曰其木凡七種於桑為詳益切于諸木

聞事曰左氏元年革車三十乘季年乃三百乘社

氏季年在僖二十五年以文公滅邢之歲為千楮之時不必如此元年孟次年仲又次年季

總聞曰魯閔二年十二月衛云戴公立廬曹一年而亡僖元年冬文公立二年春城楚丘冬遷楚丘正營室方中之時經畫營建雖迫遽如此然觀星揆日考卜亦不鹵莽滅裂有才有志者自不同也

蝮煉

一章

蝮煉在東莫之敢指

蝮煉今馬影多在東為西日所射乃成當是送女

之時所見今人猶言不可指指則手生腫也
女子有行遠父母兄弟

二章

朝隤于西崇朝其雨女子有行遠兄弟父母
朝寅卯間也雲升崇朝巳午間也雨降從旦至食
時為崇朝晚晴則虹見正五六月見雨暘不必拘
此日所見也

三章

乃如之人也懷婚姻也大無信也不知命也
此人思昏太急而不知春之過已時之不可違男

家無信失約故踰期女家不知命雖踰期必欲成
禮可見古制已亡也

聞音曰第待禮切毋滿補切

總聞曰男女之判合皆係命以命責之理之正也旧
說不得尊者之命或又舉詩允七及命皆謂尊者所
使不必如此大率詩發于衆情出于衆辭難拘以定
律也

相鼠

一章

相鼠有皮人而無儀

鼠穴虫之總名也一種見人則交其前足而拱謂之禮鼠亦謂之拱鼠相或為拱字變韓氏所謂禮鼠拱而立者也人而無儀不死何為

二章

相鼠有齒人而無止不死何俟

三章

相鼠有體人而無禮人而無禮何不遄死

聞音曰為于媯切開元凡經文語以為得声今為皆省文孔氏以譌作訛而楚辭為叶波羅則音訛

亦是兩讀皆可若此儀當牛何切

總聞曰當是在上而遇下無狀故有不樂生之心非詛其人速死也惡之欲其死聖人以惑處之豈肯存以為訓也

干旄

一章

孑孑干旄在浚之郊素絲紕之良馬四之彼姝者子何以畀之

當是國君出野親迎其礼如此受迎者它時將何贊助以為報也

二章

予予干旟在浚之都素絲組之良馬五之彼姝者子
何以予之

三章

予予干旄在浚之城素絲祝之良馬六之彼姝者子
何以告之

聞音曰紕符至切予弋渚切告姑沃切

聞跡曰浚當是浚儀衛文初徙在楚丘或親迎至
浚儀未可知其後魏并衛始自安邑徙浚儀當是
在衛已為重地

總聞曰氣象似是文公也文公大布之衣大帛之冠
史稱身自勞與下同苦不應事此人情既翕物態自
更國力事體如駉牝三千尚可集其它餘事也

載馳

一章

載馳載驅歸唁衛侯驅馬悠悠言至于漕大夫跋涉
我心則憂

二章

既不我嘉不能旋反視爾不臧我思不遠既不我嘉
不能旋濟視爾不臧我思不閱

此當是既行至漕為人所阻不能進復濟漕而返
也不能旋濟不能旋返言猶徘徊未即歸也視爾
不減言許人之意不善也我思不遠言我所懷不
能及遠至近而止也我思不悶言我所懷不能施
庇言親戚暴露也

三章

陟彼阿丘言采其蟲女子善懷亦各有行

蟲有數種有禾蟲有飛蟲木蟲治目痛背傷淚出
飛蟲治胃腹咽喉結塞皆憂苦之疾乘此欲療治
之

許人尤之眾釋且狂

釋也狂也許人尤之辭也以夫人為釋不練事狂不
識事言狄勢如此衛勢如此豈可歸也

四章

我行其野芄芃其麥控于大邦誰曰誰極

此行當是暮春去衛亡數月控于大邦當是已知
宋齊相救助但不知何所由何所至欲審其本末
終始稍寬心也

五章

大夫君子無我有尤百爾所思不知我所之前後稱

大夫皆從行者也未達而旋歸爾思思在許懷安也
我所之在衛懷義也所以答許人之尤者也

聞音曰驅祛尤切漕徂侯切反孚蠻切蟲謨郎切
行戶郎切麥訖力切尤于其切易凡四一葉疑一
叶之兩叶災災將黎切亦同叶此下無叶祛尤之
屬

聞物曰蟲不必作箇去古既遠苟就文可通何必
更易必不得已當委曲周遮今從蟲不用徐氏之
說毛氏不改字直以為貝母若不作箇烏得為貝
母也

總聞曰奔所以救衛所以立文公以奔子之故也宋
所救衛所以戴公亦以奔子之故也許夫人既與奔
子戴公文公宋夫人皆為宣姜所出嫁許者獨不能
如此所以懷憂慊也許夫人之意自度力不能以如
宋必耻於不及宋女兄弟必有相嫉之釁則宋許之
不睦由茲以起此許人所以尤其歸唁而勒其返
也為許謀者必憲事深畏患切之人細推可見也

衛風

淇澳

一章

瞻彼淇奧綠竹猗猗

淇竹北方多稱之漢武帝斬淇園之竹塞決河寇恂伐竹淇川治天百餘萬毛氏以奧為隈鄭氏亦不以為津源張氏以奧為水所謂流入于淇者鄺氏即泉源之水是也

有匪君子如切如磋如琢如磨瑟兮僊兮赫兮咺兮子貢曰貧而無諂富而無驕何如孔子曰可也未若貧而樂富而好禮子貢曰切磋琢磨其斯之謂與孔子曰始可與言詩也告諸往而知來者蘇氏磋者切之至也磨者琢之詳也貧而無諂富而無

驕所謂可也貧而樂富而好禮則賢於彼二言矣自是以上見可而不止則必有所至此說良瑟僊光采之小也赫咺光采之大也此亦加功而有進也

有匪君子終不可諼兮

言淇水奧綠竹之下有人如此一物不足以盡又再三假物稱之前後稱之前後稱如凡十而獨竹不言如者以竹為主竹即人也

二章

瞻彼淇奧綠竹青青有匪君子充耳琇瑩會弁如星

瑟兮僩兮赫兮咺兮有匪君子終不可諼兮

三章

瞻彼淇奧綠竹如簣有匪君子如金如錫如圭如璧
寬兮綽兮猗重較兮善戲謔兮不為虐兮

毛氏綠王芻今萊蓐草也竹篇筵今綠竹也鄭氏
今淇川無復有竹惟王芻篇草不異毛興鄭氏不
從班氏范氏之竹而從毛氏鄭氏之王芻篇草亦
見其狹也政使其人似王芻篇草何言為美也

聞音曰猗烏何切諼况遠切瑩于平切簣則歷切
較古岳切

總聞曰度其人清脩慈裕使人愈久而愈不忘也切
磋琢磨言其鞞琫客刀之屬以玉為飾者也充耳會
弁言首服也重較言車乘也周旋讚詠甚言其可愛
也

考槃

一章

考槃在澗碩人之寬獨寐寤言永矢弗諼

碩人即後碩人皆婦人也受尊者所鄙弃携承槃
而在幽壤有自傷之意不敢有不平之辭寬從寬
細角山羊性緩亦作寬音三章皆舉物寬與獸為

伍也邁與草為儔也軸與車相守同處也言婦人
弃置幽獨之狀也陳氏所謂魂踰伏而不返形枯
槁而獨居又謂忽寢寐而夢想惕寢覺而無見者
也連篇皆稱碩人不應如此太異一為賢者一為
夫人也

二章

考槃在阿碩人之邁獨寤寐歌永矢弗過

三章

考槃在陸碩人之軸獨寐寤宿永矢弗告

婦人雖有望情亦有厚意當是國君嬪御相嫉相

間至此弗諼不忘其旧好也弗過不以為深愆也
弗告不以告君而害爾也矢指天為誓亦憲姤者
見疑或聞者弗信也鄭氏既以為窮處之賢人則
以為永永不過君之朝永不告君以善太忍於君
臣之間尚安得為賢者也今以為婦人既處以賢
亦從於厚雖未必如此亦不戾聖人忠厚之本意
也

聞音曰澗居賢切寬區權切諼况元切過古禾切
告姑沃切

聞用曰考槃器也周有壽槃類此

總聞曰當是國君之賢女與鄰邦為配耦者道不同志不合故遭弃也其詳見下詩

碩人

一章

碩人其頡衣錦褰衣齊侯之子衛侯之妻東宮之妹邢侯之姨譚公維私

毛氏以私為姊妹之夫上文妻之姊妹而姨則次及姊妹之夫亦順

二章

手如柔荑膚如凝脂領如蝤蛸齒如瓠犀螭首蛾眉

巧笑倩兮美目盼兮

子夏本此詩多素以為絢兮一句恐是它詩亦有巧笑美目兩句而繼以素以為絢今不存也孔子子夏問答與此不類強合此詩恐涉牽疆也

三章

碩人敖敖說于農郊四牡有騶朱憤鑣鑣翟茀以朝大夫夙退無使君勞

暮春親蠶之時既事而朝君又勉其臣蚤退恐君有勞此愛君之情也是當其君厭政事溺燕私欲以此稍中其欲少求自安也

四章

河水洋洋北流活活施眾濺濺鱣鮪發發葭莩揭揭
庶姜孽孽庶士有暵

詠河之水河之物而思歸齊不安於衛也庶姜庶
士齊人來迎者也當是盛夏之時當時不見歸齊
恐是所望如此

聞音曰活古闕切盼正見切濺呼活切潑補未切
聞字曰詩語作盼毛氏許氏陸氏作盼又有作眇
恐作從目從分是言分是言分目也古字參差極

意稍通即可從

聞跡曰北流河也書河自西而南自南而東自東
而北自北為逆河入海孔氏海渤海也自漢而後
始轉北流為東流蘇氏有北流赴海復禹旧跡之
勢元祐間以此為喜殆勢順也

總聞曰碩人寬大之氣象可見前永矢者皆是及嬪
御之辭誓不以見媚相忘誓不以見害為過誓不以
陰私為言而此詩又於君之情如此然其心終欲善
歸而脫禍也古者婦人失愛於國君者則有本邦可
歸後世居尊而弛情者幸則再見不幸則終殞如長
門陳后所以願賜問而自進得尚君之玉音也

氓

一章

氓之蚩蚩

此非氓乃士也下章多言士言氓者斥之辭也以蚩蚩之語可見

抱布貿絲匪來貿絲來即我謀送子涉淇至于頓丘匪我愆期子無良媒將子無怒秋以為期

皆婦人歷數之辭也此言初謀合之時當是其夫即欲合其妻以無媒為辭恐以竊合獲罪雖非時猶有所憚是時仲春之制恐已漸廢

二章

乘彼坳垣以望復闕不見復闕泣涕漣漣既見復闕載笑載言爾卜爾筮躬無咎言以爾車來以我賄遷此言及期來歸之時泣涕憂其夫失約也笑言喜其夫如期也恐是其夫規其妻之財故誘成此事車來賄廷可見

三章

桑之未落其葉沃若于嗟鳩兮無食桑葚于嗟女兮無與士耽士之耽兮猶可說也女之耽兮不可說也此言初謀合之時旁觀亦有不可之意其辭婉委

問恚當是有識有慮者也

四章

桑之洛矣其黃而隕自我徂爾三歲食貧淇水湯湯
漸車帷裳女也不爽士貳其行士也罔極二三其德
此言既歸不相諧之事桑沃當是其謀以夏時桑
隕當是其歸以秋時無食至三年言寔甚涉水至
漸帷言勞甚我雖受若如此初無爽意爾之貳心
將何時而已自二至三言有增也

五章

三歲為婦靡室勞矣夙興夜寐靡有朝矣言既遂矣

至于暴矣兄弟不知咥其笑矣靜言思之躬自悼矣
此言施勞報苦之事靡室勞者言無有室家似我
勞也靡有朝者言不待朝而起幹家也三年言甚
久也女漸遂意則以暴見加所以自傷取笑於人
也

六章

及爾偕老老使我怨淇則有岸隰則有泮總角之宴
言笑晏晏信誓旦旦不思其反反是不思亦已焉哉
此言自締髮初立誓今墜言之事淇隰成昏之所
當是夫家在淇隰之間猶有望其反思不爾則永

已欲訣未訣之辭也

聞音曰謀謨枉切丘禧竒切關圭玄切甚知林切
耽持林切墮于盆切爽師莊切行戶郎切反孚絢
切哉將黎切

聞訓曰毛氏敦厚也許氏虫也丁氏癡也下文行
迹似非敦厚亦非癡愚所為當從虫山中入亦謂
虫為虫

聞跡曰頓丘在淇水南淇隰皆在懷縣西南坰垣
復關亦當是地名

聞事曰抱布謂抱衾也所賀止絲非布也絲布不

同時鄭氏季夏始蠶孟夏賣絲良是

總聞曰此婦人之合雖非正然猶求媒雖犯禮然猶
記善言恐其啞笑者即向之于嗟者也失行之婦人
如此可慙而不可絕况其終有悔辭此聖人所以存
之大率聖人所存多近厚者也

竹竿

一章

籊籊竹竿以釣于淇豈不爾思遠莫致之

今人寓物適意泛舟垂綸亦其常情前人多見於
吟咏之間古詩釣竿何珊珊魚尾何篋篋籊籊珊

珊皆釣竿声也

二章

泉源在左淇水在右女子有行遠兄弟父母

三章

淇水在右泉源在左巧笑之瑳佩玉之儺

去舟泉源左淇右回舟泉源右淇左巧笑佩玉皆思父母兄弟也

四章

淇水漙漙檜楫松舟駕言出遊以寫我憂

不必車言駕舟亦得言駕今猶謂之駕船

聞音曰右羽軌切毋滿罪切瑳七可切儺乃可切
聞用曰衛地必多松柏之屬檜亦松柏類也屈氏
祖之美要眇兮宜修沛吾乘兮桂舟又蓀橈兮蘭
旌桂櫂兮蘭枻不惟古者水陸之產皆茂於後世
而舟楫止濟不通非若後世萬斛千夫也故能以
芳木為之自屈氏以下皆寓虛辭為美談非實然
也

總聞曰此去家歸人猶在衛故不離淇水也奔目不
見奔足難至雖近亦以為遠所謂寸步千里前人亦
常見吟咏之間

芄蘭

一章

芄蘭之支

芄蘭言童子之狀如蘭薄弱也

童子佩觿雖則佩觿能不我知

觿角錐文事也童子來可鐵恐有所傷故角亦從
金長則金錐所以畫簡也今雖有文具而無所知
言幼駭

容兮遂兮垂帶悸兮

容當以遂為美今悸是幼而不能為容也

二章

芄蘭之葉童子佩鞶雖則佩鞶能不我甲容兮遂兮
垂帶悸兮

鞶指杏今已指武事也雖有武具而不能押下楊
氏驅蒸民而入甲

聞物曰芄蘭蘿摩也東人呼為白環北人又為雀
瓢藤生籬落間俗傳去家千里莫食蘿摩枸杞此
是

總聞曰此貴家飾童子而不知其不可勝也

河廣

一章

誰謂河廣一葦杭之誰謂宋遠跂予望之
以葦為棧今河上猶用此

二章

誰謂河廣曾不容刀誰謂宋遠曾不崇朝

聞音曰望武方切

聞字曰杭航也刀航也古字或從簡後字漸增正
總聞曰此宋人而僑衛地者也欲歸必有嫌而不可
歸

伯兮

一章

伯兮揭兮邦之桀兮伯也執殳為王前驅

當是衛人從王伐鄭在魯威五年以詩為王前驅
可見

二章

自伯之東首如飛蓬豈無膏沐誰適為容

三章

其雨其雨杲杲出日願言思伯甘心首疾

雨固阻行未至宜也既晴尚復未至所以憂疑

四章

烏得諼草言樹之背願言思伯使我心痲

聞訓曰言辭也

聞跡曰鄭在衛東故曰之東

聞人曰伯君子字也執爰旅賁之流當是衛王者
在役兵之中稍近故夫有字妻有膏沐又曰邦桀
所謂虎賁也

總聞曰蓬至秋則根脫遇風則亂飛萱草盛夏則吐
花深夏則彫伐鄭之役在秋故皆奉秋物寄意背樹
而立嘆美草之已萎不可復榮恐君子萬一不幸也
當是已知王敗績潘氏彼詩人之攸嘆從願心痲榮

華燁其始茂良人忽以損背蓋得本意忘憂草萱堂
北堂之類皆因旧說而生

有狐

一章

有狐綏綏在彼淇梁

狐短狐也野狐多穴古樹深塚今與水相附知非
野狐

心之憂矣之子無裳

渡水防此者以物蔽影今無衣裳此物可施毒也

二章

有狐綏綏在彼淇厲心之憂矣之子無帶

三章

有狐綏綏在彼淇側心之憂矣之子無服

聞音曰帶丁計切服蒲北切

聞訓曰綏綏安行兒

聞物曰或謂南方有此北方無之詩謂為蜮春秋謂有蜮皆此物也俗傳四月止弩六月下弩秋而有之異也然則不獨南有此

總聞曰之子婦人也至無裳無帶無服民窮可見

木瓜

一章

投我以木瓜報之以瓊琚匪報也永以為好也

二章

投我以木堯報之以瓊瑤匪報也永以為好也

三章

投我以木李報之以瓊玖匪報也永以為好也

聞音曰瓜攻乎切報博冒切玖奔里切

總聞曰瓜桃李雖易得而皆可食之物瓊琚瑤玖雖甚珍而止可玩之具我所得皆實用所報皆虛美以此推之不足以報也古謂黃金珠玉飢不可食寒不

可衣

詩總聞卷第三

詩總聞卷第四

王風

黍離

一章

彼黍離離彼稷之苗行邁靡靡中心搖搖知我者謂我心憂不知我者謂我何求悠悠蒼天此何人哉

二章

彼黍離離彼稷之穗行邁靡靡中心如醉知我者謂我心憂不知我者謂我何求悠悠蒼天此何人哉

三章

汶陽王質

彼黍離離彼稷之實行邁靡靡中心如噎知我者謂我心憂不知我者謂我何求悠悠蒼天此何人哉

聞音曰天鐵因切噎益悉切說文以壹得声

總聞曰後人用此意極多自苗至穗自穗至實度及半載不應行役無故淹留至此當是東周懷忠抱義之士夾陳秦庭以奉今主歸旧都為意或以尊王室制諸侯為辭徃徃有恠其久留不去者也徒隱憂難明告以不知者為何人言此等入非我輩人也

君子于役

一章

君子于役不知其期曷至哉雞棲于埭日之夕矣羊牛下來君子于役如之何勿思

二章

君子于役不日不月曷其有佸雞棲于桀日之夕矣牛羊下括君子于役苟無飢渴

雞牛羊皆在郊所豢者也今田野人家向暮多如此班氏日晡晡其將暮觀牛羊之下來寤怨曠之傷情哀詩人之嘆時

聞音曰哉將黎切埭辰之切來陵之切思新齋切渴巨列切

總聞曰當是在郊之民以役適遠而其妻於日暮之時約雞歸棲呼牛羊來下故吳懷也大率此時最難為別懷婦人尤甚

君子陽陽

一章

君子陽陽

君子婦人之夫也當是婦人之辭

左執簧右招我由房其樂只且

二章

君子陶陶左執翺右招我由教其樂只且

房教皆地名當是招其妻從房從教而往也此言不安其所既去則樂陽陽酒色也陶陶酒意也以酒銷憂夫婦相為樂也

聞音曰只且嘆辭以且相叶

聞跡曰房在汝南教在滎陽縱國見左氏楚廷房于荆教即搏獸於教之教

總聞曰大率旧說多以伶官為賢者君子之地夫賢者君子廉耻乃其本節安肯苟求食而為此流也當是以簧翺之故不特誤以婦人之夫為君子而又語以地名之房為房中樂也語意亦於房中不順

揚之水

一章

揚之水不流束薪彼其之子不與我戍申懷哉懷哉

昌月予還歸哉

揚水能流物而不能為我流束薪束楚束蒲以濟我家也

二章

揚之水不流束楚彼其之子不與我戍甫懷哉懷哉

昌月予還歸哉

三章

揚之水不流束蒲彼其之子不與我戍許懷哉懷哉

昌月予還歸哉

當是役夫遠戍而恨其家薪芻之不充憫其妻貧苦之獨處願與之同戍而有所不可則逆計月以數歸期也

聞音曰懷胡隈切叶歸不用哉叶滿滂古切

聞跡曰揚水自晉州洪洞縣注河周北接晉西接

鄭後晉鄭兩揚之水皆此水也申今申州甫今汴

州許州皆周近地

總聞曰詩有三陽之水三羔喪而黃鳥兩谷風非相

祖述也有此曲名故相傳為之如樂府一種名而多種辭雖不同而聲則同也今諸曲亦然

中谷有蕓

一章

中谷有蕓暎其乾矣

所稱遇人謂夫也此當是婦人之辭

有女仳離嘒其嘆矣嘒其嘆矣遇人之艱難矣

蕓益母草也可作莖面之藥婦人所珍而山野甚

易致夫婦既無食不能相有而相捨指此物以寄

意也端午採良佳其離當是夏時

二章

中谷有蕓暎其脩矣有女仳離條其獻矣條其獻矣
遇人之不淑矣

三章

中谷有蕓暎其濕矣有女仳離啜其泣矣啜其泣矣
何嗟及矣

當是既乾不可復去而雨澤乃有沾濡雖稍潤亦
無及也

聞音曰暎它于切脩式竹切莊子脩然而往脩然
而來亦此切歎息六切

聞物曰益母草在野甚多最能任酷烈日愈烈色愈鮮此乾則禾稼可知也

總聞曰嘗見早歲道塗夫婦相携相別有不忍之情於男女亦然此事自古有之初嘔嘆吐氣之衛也次條歎吐氣之猛也次啜泣吐聲而又吐波也此分携之時也所見亦然今古雖異人情不遠也

兔爰

一章

有兔爰爰雉離于羅

兔兔絲也亦作菟絲羅置也菟草之中置羅置罟

置罟雉墮其中也爰延引見也

我生之初尚無為我生之後逢此百罹尚寐無吶

二章

有兔爰爰雉離于罟我生之初尚無造我生之後逢此百憂尚寐無覺

三章

有兔爰爰雉離于罟我生之初尚無庸我生之後逢此百凶尚寐無聰

言幼時尚未為未庸言未有征役也長時乃為丁壯役少猶可勉役多則何堪不如死也百多也寐

不動不醒不聞所謂長夜也

聞音曰為吾未切罹良何切羣步廟切造在傲切
憂一笑切覺古孝切左氏奔歌曰魯人之臯數年
不覓使我高蹈惟其儒書以為二國憂臯居號切
覓古孝切則是憂覓古蓋常用之也置昌鍾切
總聞曰旧說兔爰緩意雉離急意又以緩有所聽縱
也急有所躁感也後多祖之以為物有幸不幸也人
情無緩免急雉之理兔至輕捷亦無從容之意雉至
卑飛可無躁感之義今以兔為兔絲不惟有所本而
人情物態不甚抵牾可以粗通也

葛藟

一章

繇：葛藟在河之許終遠兄弟謂他人父謂他人父
亦莫我顧

此人當是居河之涓者也感葛藟而思身世謂葛
藟尚不斷我與本宗絕所生稱他人作所生不如
葛藟也

二章

繇繇葛藟在河之涘終遠兄弟謂他人母謂他人母
亦莫我有

三章

繇：葛藟在河之漘終遠兄弟謂他人昆亦莫我聞

聞音曰父方短切顧果立切溪羽已切母滿罪切有羽軌切

總聞曰皆以兄弟為辭當是不為不友之兄弟所隔而不得安處者也或弃而與他人或出而繼旁族終不若所天之愛此真情也今人或如此以異姓之子為子多始末有叅差故有歸姓歸宗不幸至有流落死亡者此人蓋有此恨也

采葛

一章

彼采葛兮

草木可采當是春夏之時

二章

彼采蕭兮一日不見如三秋兮

三章

彼采艾兮一日不見如三歲兮

聞音曰葛居謁切蕭疎鳩切艾魚刈切今皆作牛蓋切古不用此

總聞曰當是同志在野之人獨適而不與俱故有此
辭言我采此物想彼亦采此物但不同采爾

大車

一章

大車檻：毳衣如茨

婦人見貴人聲勢被服之盛私心慕之此必微時
深有涉盛時不敢復論似有望意以其相忘也
豈不爾思畏子不敢

二章

大車噶：毳衣如璫豈不爾思畏子不奔

穀則異室死則同穴謂予不信有如皎日
生異室死同穴言此生永不可同也俟其死則從
之也

聞音曰檻故覽切茨吐敢切噶他敦切穴戶橘切
總聞曰此婦人謂其同輩之辭同輩以為未必能也
故指日為誓也

丘中有麻

一章

丘中有麻彼留子嗟將其來施施

二章

丘中有麥彼留子國彼留子國將其來食

三章

丘中有李彼留之子彼留之子貽我佩玖

彼所留之子可嗟嘆可疑惑卒章嗟嘆疑惑不足
盡其情故不言此當是避難之人為在野之家所
匿以佩玖報之言其恩可長感也

聞音曰古施字作頤伺候之辭時遮切叶嗟國字
與或字玄用疑惑之辭胡骨切叶麥古蟻字又作
蠲蠲音又作域明國或相通也周穆公鼎國作或
聞人曰毛氏留氏也子嗟子國字也子國子嗟之

父遍考止有衛大夫留封人不見有留子嗟留子
國

總聞曰當時先王之澤未絕田野尚有義士鄭風

緇衣

一章

緇衣之宜兮敝予又止改為兮適子之館兮还予授
止子之粢兮

緇衣卿士之服當是在外入為卿士在都者相與
為禮緇衣且好且席尚以為敝欲有所更甚欲其
美也既適館又授粢惟恐其禮之不周也

二章

緇衣之好兮敝予又止改造兮適子之館兮还予授
止子之桑兮

三章

緇衣之席兮敝予又止改作兮適子之館兮还予授
止子之桑兮

聞音曰蓆祥禽切

聞句曰敝予又止還予授止句四句今為六句

總聞曰好賢如緇衣惡惡如巷伯古稱緇衣止為好
賢尋詩不見有他意大率先儒雜記引詩多隨意隨

事不皆叶其本旨此所引二詩略合

將仲子

一章

將仲子兮無踰我里無折我樹杞豈敢愛之畏我父
母仲可懷也父母之言亦可畏也

當是仲氏逞橫婉為辭以拒之非敢有愛而父母
在上已不敢專弟雖可念恐父母有責吾兄弟皆
有畏也言不特吾得罪汝亦得罪次以兄為辭次
以人為辭皆拒之辭也

二章

將仲子兮無踰我墻無折我樹桑豈敢愛之畏我諸
兄仲可懷也諸兄之言亦可畏也

三章

將仲子兮無踰我園無折我樹檀豈敢愛之畏人之
多言仲可懷也人之多言亦可畏也

聞音曰母滿補切懷胡隈於非切兄虛王切檀徒
沿切

總聞曰鄭氏所引武姜昵叔段欲立為太子不遂請
制請京又將啟以成亂城穎蓋由此也尋詩乃以父
母不欲為辭此事蓋生於姜氏成於姜氏成於姜氏

皆其本謀故大叔以至如此安得藉以為辭拒之畏
我父母恐是畏諸父母或是畏我諸母必有一悞

叔于田

一章

叔于田巷無居人豈無居人不如叔也洵美且仁

二章

叔于狩巷無飲酒豈無飲酒不如叔也洵美且好

三章

叔適野巷無服馬豈無服馬不如叔也洵美且武
叔往而人皆從市為之空蓋可觀也

聞音曰田地因切狩始九切好許厚切野上與切
總聞曰仁慈也好和也武毅也三者人之所歸大叔
段何以當之當是其徒夸為之辭

大叔于田

一章

大叔于田乘馬執轡如組兩駢如舞叔在藪火烈
具奔禮務暴虎馘于公所將叔無狃戒其傷女
藪葭葦之地也用火所以發獸也如今野燒韓氏

陸渾火詩可見

二章

叔于田乘乘黃兩服上襄兩駢鴈行叔在藪火烈具
揚叔善射忌又良御忌抑壘控忌抑縱送忌

三章

叔于田乘乘鵠兩服齊首兩駢如手叔在藪火烈具
阜叔馬慢忌叔發罕忌抑釋棚忌抑鬯弓忌

一章發獸得虎即止此校獵之常制鷹犬得免即
休鷹犬戈矢得虎即息戈矢二章駢伎不以從獸
為事也三章畢事初馬緩矢稀次覆弓彀將還歸
也

聞音曰馬滿補切行戶郎切御魚駕切鵠補苟切

阜符有切弓姑弘切

聞物曰鵠當是馬名鵠似鴈有行列似豹有班文故謂之鴻豹如獅子花之類

總聞曰公子呂所謂請除之無住民心子封所謂可矣厚將得衆尋詩若有此理

清人

一章

清人在彭駟介旁旁二矛重英河上乎翱翔

臨河名清者甚多河清臨清清河清池清陽酈氏以清陽亭即故清人城引此詩清人在彭當是此

地微調者分而在彭在消在軸毛氏以為河上地高克邑左氏衛侯宮喜盟于彭水之上衛鄭相近彭或是此

二章

清人在消駟介庶庶二矛重喬河上乎逍遙

三章

清人在軸駟介陶陶左旋右抽中軍作好

左旋旋鞞多用左手右抽抽矢多用右手此章為中軍則前二章為前後軍也

聞音曰彭普郎切英於良切陶徒報切好呼報切

孫氏抽土刀切本搯借用作抽搯亦抽也審爾則好旁紐作蒿為正但軸字未詳所以不能如前二章也

總聞曰當是軍士有戰心而或抑之不能有所逞左氏魯閔二年所引序皆祖之而增詳甚衍細考春秋所書鄭弃其師十二月狄入衛是月鄭有弃師之告此必衛告急於其鄰高先實任此行而文公不欲故陷高克於難存之地也尋詩軍容士氣可見高克之心亦可見三軍之意序所謂好利不顧君杜氏從之似或未然故書鄭者非高克弃師實鄭弃師也據傳

宋栢逆衛道民于河立戴公以盧于曹齊栢使公子師甲乘以戌曹雖未必衛告鄭或是宋齊告鄭之文不同此奔故宋齊獨為之也

羔裘

一章

羔裘如濡洵直且侯彼其之子舍命不渝

此衣羔裘者信矢直而且中侯也其武而有力也言被朝服而從事武伎彼衣是服者處危而不變主正而不傾與服相稱而不如此也

二章

羔裘豹飾孔武有力彼其之子邦之司直
羔裘而飾以豹皮其狀可見

三章

羔裘晏兮三英粲兮彼其之子邦之彥兮

晏晚也三心星也詩以三為心星形象數也英心
星之光華言衣羔裘自早而主晚心星有光豪意
未止彼衣是服者但見其美而不如此之粗縱也
聞音曰侯洪姑切彥魚肝切

聞用曰羔裘加緇衣則為諸侯之朝服單羔裘則
為卿大夫之朝服狐裘加黃衣則為諸侯之祭服

單狐裳則為卿大夫之祭服麕裘加素衣則為諸
侯之喪服單麕裘則為卿大夫之喪服此羔裘卿
大夫之朝服也

總聞曰羔裘與羔羊其服相肖而治亂賢否之氣象
不同

遵大路

一章

遵大路兮摯執子之祛兮無我惡兮不寔故也

執祛留之切執手留之愈切其人決去既已堅苦
稅必不樂留者亦不敢必但願其不速姑小駐以

叙久要也

二章

遵大路兮摯執子之手兮無我覯兮不寔好也

聞音曰祛起據切惡鳥路切覯齒九切好許厚切
覯今不樂者猶作此狀

總聞曰當是同志相善有不安而他之者以故以好
檻之大路非以他謹而必避正理而者也故顯行而
無畏憚

女曰雞鳴

一章

女曰雞鳴士曰昧旦子與視夜明星有爛

當是君子與朋友有約夫婦警以曉恐失期也大
率此詩婦人為主辭故子與視夜以下皆婦人之
辭士女問答相應起辭也亦婦人之辭也

將翱將翔弋鳧與鴈

所適必遵河或度河故以弋鳧鴈為辭此鴈或是
春自南歸北或是秋自北趣南鴈隨陰陽不以中
國為居北及秋則已寒今夜與星爛似是春時可
以早出也

二章

弋言加之與子宜之宜言飲酒與子偕老琴瑟在御莫不靜好

弋而得鳧鴈又增加之以多為貴也言賓客饜飮之餘則我與子宜飲酒作樂言所得不獨宜及友亦當宜及同我享之也所以貴於加之恐不足也

三章

知子之來之雜佩以贈之知子之順之雜佩以問之知子之好之雜佩以報之

婦人警君子行期知其良友不可誤約所以一章連三知言知之審也若知非良必不導君子以曉

出相同行為樂事也所儲備為問遺者勸君子畢行樂約俱來言我已待子無所慮也

聞音曰加居之切老魯吼切來鄰知切好許厚切順叶問好叶報惟來贈不叶贈當作貽生轉不然則以之為韻詩多如此

聞用曰古以玉為佩雜佩者不必以玉他物但有鳴聲者皆可為佩

總聞曰當是君子喜結客婦人又好客維恐君子不得良友也亦欲其來以觀其人杜氏送王砮詩自陳剪髻鬢鬻市充杯酒上云天下亂宜與英俊厚回竊

窺數公經綸亦俱有此殆類王珪之妻也
有女同車

一章

有女同車顏如舜華

舜木槿也盛夏已吐花當是此時國人見而
喜之辭也

將翱將翔佩玉瓊琚彼美孟姜洵美且都

二章

有女同車顏如舜英將翱將翔佩玉將將彼美孟姜
德音不忘

聞音曰華方無切行戶郎切英於良切將七羊切
總聞曰所見親迎之禮彼美之貌似是與婦成禮而
非憚耦辭昏者左氏鄭忽辭齊昏之事其詳此專拾
其說不惟尋詩無見而亦與左氏不合當是因姜姓
為齊女遂以鄭忽附之識者更詳

山有扶蘇

一章

山有扶蘇隰有荷華

扶蘇野蘓也荷華菡萏也扶如言扶疎謂密
不見子都乃見狂且

此婦人適夫家經歷山隰所見當是媒妁姑以美相欺相見乃不如所言怨怒之辭也

二章

山有喬松隰有游龍不見子充乃見狡童

龍蒞草也游如言游放謂散龙當為龍省文古鼎彝多紅省國為或鉦為正銖為朱祥為羊有極省者哉為十帝為

聞音曰華方無切且子餘切

總聞曰此媒妁之過也今多或如此

擇兮

一章

擇兮擇兮

落葉當是秋時

風其吹女叔兮伯兮伯兮倡予和女

擇已槁風又加其勢可見親族當力相扶持尊者為倡而卑者相和庶幾能免此當是尊是尊者無情卑者有意雖有所禱亦有所責之辭

二章

擇兮擇兮風其漂女叔兮伯兮倡予要女

聞音曰和戶圭切老子高下之相傾長短之相形

聲音之相和前後之相隨和叶吹類此漂匹遙切
要於遙切

總聞曰或國與家未可知當是有乘微弱而謀傾奪
者有識有情動念而力不能獨辨故有求於為倡者
也

狡童

一章

彼狡童兮

狡童即山有扶蘇所見者也

不與我言兮維子之故使我不能餐兮

與正已者相踈必與比已者相昵此忠於彼者所
以不遑食不能息也

二章

彼狡童兮不與我食兮維子之故使我不能息兮

聞音曰餐七宣切

總聞曰鄭忽言行蓋亦近賢不可以成敗論人所謂
狡童當有他人當之非謂忽也

褰裳

一章

子惠思我褰裳涉溱

漆出浮石嶺青衣山洧出潁川陽城山褰裳而涉
不待其舟以度其情必有甚急者尋詩無見
子不我思豈無他人狂童之狂也且

當是鄭人不安狂童欲脫身遠害而外境有相知
者以情屬之相知又似不領其情故其辭若甚急
而有切責之意也

二章

子惠思我褰裳涉洧子不我思豈無他士狂童之狂
也且

總聞曰三詩皆及狂狡之童正又不得其的而他文

未可盡信不知在位之君惟復在位之臣不知在家
之長惟復在家之鄰有一皆當相遠而利害最迫禍
福所係莫若在位之君臣也鄭自昭公之後子亶子
儀連弒而子號號曰鄭子當是初立少年故有子稱
及在位十四年而戕於傅瑕亦不改子號與童頗應
其臣如高伯祭仲傅瑕之徒皆專強但未見童狀其
他皆無見也

丰

一章

子之丰兮俟我乎巷兮

丰親迎者之貌當是婚無可議而主昏者忽有所嫌

悔予不送兮

當是時已至男來迎而主昏者卒有異謀不克成禮後有悔者也

二章

子之昌兮俟我乎堂兮悔予不將兮

三章

衣錦裝衣裳錦裝裳叔兮伯兮駕予與行

四章

裳錦裝裳衣錦裝衣叔兮伯兮駕予與歸

當是主語以不克成禮而悔他惟叔伯以遣送之蓋已有慚也

聞音曰丰芳用切巷胡黃切行戶郎切

聞用曰裝榮也臬屬也言以臬為錦當是士庶之總聞曰與摯兮皆及叔伯二詩必出一家此叔伯者當是宗黨所推衆情所附故事有難處者率以歸之

東門之埤

一章

東門之埤茹蘆在阪其室則邇其人甚遠

當是女家男家相隣室甚遠而人甚遙蓋男家頗難之而女家欲成之也

二章

東門之栗有踐家室豈不爾思子不我即

踐不必言淺欲其履此地也尋詩其人甚遠女未就男子不我即男未就女若奔則不期而遽合何有此辭

聞音曰焯上演切

總聞曰尋詩不見奔狀奔當作去声猶言急投也冒危難犯觸刑越礼皆有所不顧情所逼也雖遠且不

憚奚况不遠此詩從容恂悒與奔不同蓋謀昏而未諧也女采芣以染采粟以食之際不無所感固非正念然以為奔則過也

風雨

一章

風雨淒淒雞鳴喈喈

此詩言風雨之狀當是秋時既見君子云胡不夷

二章

風雨蕭蕭雞鳴膠膠既見君子云何不瘳

三章

風雨如晦雞鳴不已既見君子云何不喜

聞音曰皆居奚切瘳憐蕭切晦呼罪切

總聞曰婦於夫多稱君子當是秋時將旦而聞雞此婦人之情所難處也方有所思而遽見故有吳悅愈疾之辭

子衿

一章

青青子衿悠悠我心縱我不往子寧不嗣音

此已在位而故人在野者也青衿野服當是相思

而有欲見之意望其來而不肯至者也

二章

青青子佩悠悠我思縱我不往子寧不來

三章

挑兮達兮在城闕兮一日不見如三月兮

此從事在都多務不得適野以此寄謝然其不安之情可見

聞音曰佩蒲放切來陵之切達陀悅切

聞訓曰挑達不安兒

總聞曰故人在位而不往見蓋賢者也故人在野而

有所漸亦賢者也曹氏青青子衿悠悠我心但為君
故沉吟至今正引此詩無爽

揚之水

一章

揚之水不流束楚終鮮兄弟維予與女無信人之言
人實廷女

此與周揚之水其辭多同當是同居此水之旁故
平常諷道之語多習傳也

二章

揚之水不流束薪終鮮兄弟維予二人無信人之言

人實不信

當是兄弟止二人無他昆為人所間而不協者此

盖兄辭

聞音曰女忍與切信斯人切

總聞曰束楚束薪亦與周揚之水同意吾家之薪蒸
非水所流而與之惟兄弟輸筋力然後可致也何可
信人言以替家事乎度其家甚窶所仰甚寡故其辭
尤哀也

出其東門

一章

出其東門有女如雲雖則如雲匪我思存縞衣綦巾
聊樂我貞

二章

出其闈闔有女如荼雖則如荼匪我思且縞衣茹蘆
聊可與娛

雖游女如雲之盛如荼之密皆非所思知其有所
主地惟縞衣而綦巾縞衣而茹蘆者可與通歡縞
衣婦喪夫者也綦蒼艾色茹蘆絳色以色色首出
游不肯全縞男見此動念知其無所主者也
聞音曰闈東徒切且叢租切存也

總聞曰此婦人不純喪服且居喪而出游男子之無
似者所動心也出其東門東門之埤皆言東門蓋其
國都漆集治樂之地菑草必此方所多有故亦連及
之

野有蔓草

一章

野有蔓草零露漙兮

當是深夜之時男女偶相遇者也
有美一人清揚婉兮邂逅相遇適我願兮

二章

野有蔓草零露漙漙有美一人婉如清揚邂逅相遇與子偕臧

雖以情合亦欲以禮成也姜有慚心欲蓋外議也聞音曰漙上充切願五遠切聞字曰漙或作霽不必後用作圍亦得所謂庭前有露暗滿菊花周圍色畏也言露多也此漙亦是此意

聞訓曰如音訓皆作而古字多用此春秋星隕而而雨毛氏君子偕老清視清明也揚廣揚而頭角豐滿也此清揚眉目之間皆毛氏訓而微異今從

前說

總聞曰大率始無恥而終有慚聖人多憐之凡存諸詩皆非斤絕者也

溱洧

一章

溱與洧方渙渙兮士與女方秉簡兮女曰觀乎士曰既且且往觀乎洧之外洵訏且樂維士與女伊其相謔贈之以芍藥

舊說椒滋陽者也故女贈男以楸芍藥滋血者也故男贈女以芍藥雖不害為過用意然揆以人情

未必如此相遇相謹之際過目所見過乎所得皆
可以寄情貽椒又同邁之時俗謂奔路者也安得
更有所擇

聞音曰渙子元切簡居賢切且叢租切

聞跡曰溱通作漕水經漕水即溱也許氏鄴氏皆
引此詩溱與洧者也左氏龍闕鄭時門之水洧淵
時鄭南門今洧水自鄭城西北入而東南流逕鄭
城之南門蓋洧占鄭都城內外為多故此言洧亦
多洧之內則城內而洧之外則城外也

總聞曰士始以辭拒女卒以情從女士過輕於女過

蓋自女先發端而又督成也鄭氏以為仲春韓氏以
為上巳則季春也鄭俗於此招魂續魂秉蘭草祓除
不祥皆附合此詩氣象頗似晚春聚會游觀之時但
不知上巳何考

從前起有老

此書封底

內



